

Surat khabar: Utusan Borneo (Berita Iban)

Hari/Tarikh: 15/11/2016

Muka surat: 9

Tajuk : UNIMAS deka nyaup Perintah Negeri ngangkatka STEM

UNIMAS deka nyaup Perintah Negeri ngangkatka STEM

KOTA SAMARAHAN: Mandai Chanselor UNIMAS Prof Date Dr Mohamad Kadim Suaidi netap UNIMAS deka nyaup Perintah Negeri ngangkatka Pelajar Sains, Teknologi, Kejuruteraan enggau Matematik (STEM).

Dikenang emujur juluk nya, Kadim madah UNIMAS deka ngadu kerejasama enggau kompeni sereta mayuh beng-

kah industri di negeri tu.

"Kerejasama deka diadu enggau Tabung Ekonomi Gagasan Anak Bumiputera Sarawak (TEGAS), Shorefield, X-Fab Sarawak enggau ke bukai.

"Kerejasama tu chukup berat dikena kitai ngelaku bengkah pelajar ke bisi kaul enggau STEM,"ku iya.

Kadim mansutka jaku nya

ba Pengerami Konyokesyen Ke-20 UNIMAS ke dipenyadi Tuai Pemegai Menua (TYT) Tun Pehin Sri Abdul Taib Mahmud di DeTAR Putra UNIMAS ditu, kemari.

Ngenang kaul ke sama, iya pechaya atur numbuhka makmal STEM di Fakulti Kejuruteraan nengah kerejasama TEGAS ulih nyaup ngelaku sereta nerenak

pemeriti sentang guna STEM di Sarawak.

"Universiti keran nambah penyampau makmal industri ba awak ke semak tu dikena ngemujur juluk STEM nengah atur ke sistematik sereta engkeman di UNIMAS.

"Pengelandik ke dikembuan Unimas ba pekara STEM ulih nempa orang gawa bepengelandik sereta

setengan landik ngambi ulih nangkup pinta industri, baka ke dipalan Score enggau projek ngaga jalai Pan Borneo,"ku iya.

Kelimpah ari nya, iya mega madah UNIMAS komited ngangkat Jaku English.

Jaku English chukup berat ku iya ketegal ti nyadi bahasa entarabangsa lalu dikena ba pekara STEM.

"Pro Chanselor ke ke mega Kepala Menteri bela meratika pengelandik nguasa Jaku English ketegal ti nyadi bahasa ke pepadu diguna maya bala graduet begigaka batang pengawa jemah.

"Jaku English diakun nyadi bahasa dunya lalu bedau laun ungkup kitai belajar bahasa dunya tu ungkup pemaik semua,"ku iya.